

欽定授時通考

欽定授時通考

欽定授時通考

目錄

卷一

天時門

總論上

卷二

天時門

總論下

卷三

天時門

春

卷四

天時門

夏

卷五

天時門

秋

卷六

天時門

冬

卷七

土宜門

彙考

卷八

土宜門

方輿圖說

卷九

土宜門

辨方

卷十

土宜門

物土

卷十一

田制上

土宜門

卷十二

田制下

土宜門

卷十三

田制圖說上

土宜門

卷十四

田制圖說下

土宜門

卷十五

水利一

土宜門

卷十六

土宜門

水利二

卷十七

土宜門

水利三

卷十八

土宜門

水利四

卷十九

穀種門

彙考

嘉禾瑞穀瑞麥

卷二十

穀種門

御稻米

稻一

卷二十一

穀種門

稻二

卷二十二

穀種門

稻三

卷二十三

穀種門

粱 稷

卷二十四

穀種門

黍

卷二十五

穀種門

粟

卷二十六

穀種門

麥

卷二十七

穀種門

豆一

卷二十八

穀種門

豆二

卷二十九

穀種門

豆三

卷三十

穀種門

麻

卷三十一

功作門

彙考

卷三十二

功作明

墾耕

卷三十三

耜勞

功作門

卷三十四

播種

功作門

卷三十五

淤蔭

功作門

卷三十六

耘籽

功作門

卷三十七

灌溉

功作門

卷三十八

功作門

泰西水法

卷三十九

功作門

收穫

卷四十

功作門

攻治

卷四十一

功作門

牧事

附

卷四十二

勸課門

彙考

卷四十三

勸課門

詔令

卷四十四

勸課門

章奏

卷四十五

勸課門

官司

卷四十六

勸課門

祈報

卷四十七

勸課門

敕諭一

卷四十八

勸課門

敕諭二

卷四十九

勸課門

祈穀

耕藉

卷五十

勸課門

御製詩文

卷五十一

勸課門

御製詩文

卷五十二

勸課門

耕織圖上

卷五十三

勸課門

耕織圖下

卷五十四

蓄聚門

彙考

卷五十五

蓄聚門

常平倉

卷五十六

蓄聚門

社倉

義倉

卷五十七

蓄聚門

圖式

卷五十八

農餘門

彙考

卷五十九

農餘門

蔬一

卷六十

農餘門

蔬二

卷六十一

農餘門

蔬三

卷六十二

農餘門

蔬四

卷六十三

農餘門

果一

卷六十四

農餘門

果二

卷六十五

農餘門

果三

卷六十六

農餘門

果四

卷六十七

農餘門

木一

卷六十八

農餘門

木二

卷六十九

農餘門

雜植

卷七十

農餘門

畜牧一

卷七十一

農餘門

畜牧二

卷七十二

蠶桑門

彙考

制居

浴種

卷七十三

蠶桑門

飼養

卷七十四

蠶桑門

分箔

入簇

擇繭

卷七十五

蠶桑門

繰絲

織染

卷七十六

蠶桑門

桑政

卷七十七

蠶桑門

桑餘

卷七十八

蠶桑門

桑餘

定授時通考卷六十一

農餘

蔬四

生薑

椒 川椒 崖椒 地椒 胡椒 番椒

茴香 八角茴香

韭 山韭 水韭

葱


蒜 水晶葱

薤 山薤 野薤

蘆荻 野蘆荻

昔菴

生薑



生薑

薑。禦溼之菜也。苗高二三尺。葉似箭竹葉而長兩兩。爾相對。苗青根嫩白。老黃無實。處處有之。漢溫池州者良。三月種。五月生。苗如初生嫩蘆而葉稍闊。葉亦辛香。秋社前後。新芽頓長。如列指狀。采食無筋。尖微紫。名紫芽薑。又名子薑。秋分後者次之。霜後則老。性惡溼。畏日。秋熱則無薑氣。味辛。微溫。無毒。通神明。辟邪氣。益脾胃。散風寒。除壯熱。治脹滿。去胸中臭氣。解菌毒。諸毒。生用發熱。熟用和中。留皮則涼。去皮則熱。八九月多食。春多患眼。孕婦忌食。令兒盈指。

羣芳譜。種植宜白沙地。少與糞和種。熟耕縱橫七八徧。

佳。清明後三日種。濶一步作畦。長短隨地。橫作壟。壟相去一尺。深五六寸。壟中安薑。一尺一科。帶芽大。三指。蓋土三寸。覆以蠶沙。無則用熟糞雞糞尤妙。芽出後有草。卽耘。漸漸以土蓋之。已後壟中却令高。不得去土。爲芽向上長也。芽長後。從旁摠去老薑。耘鋤不厭數。五六月覆以柴棚。或插蘆蔽日。不耐寒熱。八月收取。九月置煖窖中。寒甚作深窖。以糠粃和埋煖處。勿凍壞。來年作種。齊民要術。崔實曰。清明節後十日封生薑。至四月立夏後。蠶大食。芽生。可種之。九月藏。此薑蘘荷。其歲若溫。皆待十月。生薑謂之
之薑

吳下田家志種薑宜甲子乙丑辛未壬申壬午。

椒



椒

椒一名花椒。一名大椒。一名檜。爾雅云。檜。大椒。注。一名

秦椒。以產自秦地。故名。今北方秦椒。另有一種。今處處有之。椒稟五行之精。

葉青皮紅。花黃膜白。子黑氣香。最易蕃衍。枝間有刺。扁

而大。葉對生。形尖有刺。堅而滑澤。四月開細花。五月結

子。生青熟紅。爲油亦可食。微辛甘。晉中人多以炷燈。閉

口者殺人。五月食。損氣傷心。令人多忘。中毒者。涼水麻

仁漿解之。

陸璣詩疏。椒樹似茱萸。有針刺。葉堅而滑澤。蜀人作茶。

吳人作茗。皆合煮其葉以爲香。今成臯諸山間有椒。謂

之竹葉椒。其樹亦如蜀椒。少毒熱。不中合藥也。可著飲

食中。東海諸島亦有椒樹。枝葉皆相似。子長而不圓。甚香。其味似橘皮。

齊民要術。熟時收取黑子。

俗名椒目。不用人手。數近促之。則不生也。

四月初。

畦種之。

治畦下水。如種葵法。

方三寸一子。篩土覆之。令厚寸許。復

篩熟糞以蓋土上。旱輒澆之。常令潤澤。生高數寸。夏連

雨時可移之。移法。先作小坑。圓深三寸。以刀子圓剗椒

栽。合土移之於坑中。萬不失一。

若拔而移者。率多死。

若移大栽者。

二月三月中移之。先作熟穰泥。掘出卽封根。合泥埋之。

行百餘里。猶得生。

此物性不耐寒。陽中之樹。冬須草裹。不裹卽

死。其生於陰中者。少稟寒氣。則不用裹。

一木之性。寒暑易容。所謂習以

性。候實口開。便速收之。天時晴。摘下薄布曝之。令一日

卽乾色赤椒好。

芳陰痛收者色黑失味。

其葉吸青摘取可以爲蒟。

乾而未之亦足充事。

務本新書

三鄉椒種。秋深熟時揀粒。秋深摘下陰乾。將

椒子包裹掘地深埋。春暖取出向陽掘畦種之。二年後。春月移栽。樹小時。冬月以糞覆根。地寒處以草裹縛。次年結子。椒不歇條。一年繁勝一年。

農政全書中伏後晴天帶露收摘。忌手捻。陰一日曬三日。則紅而裂。遇雨薄攤當風處頻翻。若爇則黑不香。若收作種。用乾土拌和埋於避雨水地內深一尺。勿令水浸生芽。其自開口者殺人。

羣芳譜種植。先將肥潤地耕熟。二月內取子種之。以糞

灰和細土覆蓋則易生。此物乃陽中之陰，不耐寒。冬月草苦，免致凍死。來年分栽，離七八尺。用蔴糝灰糞和細土栽，忌水浸根。又宜焦土乾糞壅培。遇旱用水澆灌。三年後換嫩枝方結實。以髮纏樹根。或種香白芷。或種生菜。皆辟蛇食椒。

川椒附

本草川椒一名巴椒。一名蜀椒。一名南椒。一名蔴蕞。一名點椒。一名含丸使者。見陶穀清異錄蘇頌云：木高四五尺，似菜萹而小，有針刺，葉堅而滑，可煮飲食。四月結子無花，但生於枝葉間，顆如小豆而圓，皮紫赤色。李時珍曰：蜀椒子光黑，如人之瞳人，故謂之椒目。

羣芳譜川椒肉厚皮皺。粒小子黑。外紅裏白。入藥以此爲良。他椒不及也。

崖椒附

本草崖椒。一名野椒。不甚香。子灰色不黑。無光。

蔓椒附

本草蔓椒。一名猪椒。一名豕椒。一名彘椒。一名豨椒。一名狗椒。一名金椒。野生林箐間。枝軟如蔓。子葉皆似椒。山人亦食之。

地椒附

本草地椒。出上黨郡。其苗覆地蔓生。莖葉甚細。花作小朵。色紫白。因舊莖而生。卽蔓椒之小者。

胡椒附


本草胡椒。一名昧履支。向陰生者名澄茄。向陽生者名胡椒。

酉陽雜俎胡椒生西戎摩伽拖國。其苗蔓生。莖極柔弱。葉長寸半。有細條與葉齊。條上結子。兩兩對。其葉晨開暮合。合則裹其子於葉中。子形似漢椒。至芳辣。六月採。農政全書今其種已遍中國。爲日用之物矣。

番椒附

草花譜番椒叢生白花。子似秃筆頭。味辣色紅。甚可觀。子種。

香 苜



茴香

茴香一名懷香。本草云。惟俗多懷之衿衽。咀嚼懷香之名。或以此。宿根。深冬生。苗作叢。肥莖綠葉。五六月開花如蛇牀花而色黃。子如麥粒。輕而有細稜。俗呼爲大茴香。近道人家園圃種者甚多。以寧夏者爲第一。其他處小者名小茴香。辛平無毒。理氣開胃。夏月祛蠅辟臭。煮臭肉下少許卽不臭。臭醬入末少許亦香。故曰茴香。

羣芳譜種植。收時陰乾。宜向陽地。以糞土和子種之。仍種麻一窠以避日色。十月斫去枯梢。以糞土壅根下。

八角茴香附


茴香。自番舶來者。實大如栢實。裂成八瓣。一瓣一核。大

如豆。黃褐色。有仁。味更甜。俗呼船茴香。又曰八角茴香。廣西左右江峒中亦有之。形色與中國茴香迥別。但氣味同耳。

蒔蘿附

本草蒔蘿一名慈謀救。一名小茴香。羣芳譜云。蒔蘿初生佛誓國。今嶺南及近道皆有之。三四月生。苗開花。其子簇生。狀如蛇牀子而短。微黑。芳辛不及茴香。善滋食味。多食無損。健脾開胃。下氣利膈。溫腸。殺魚肉毒。補水臟。治腎氣。壯筋骨。治小兒氣脹。霍亂嘔逆。腹冷不下。食兩肋痞滿。忌同阿魏食。奪其味也。

韭



韭

韭。說文云。一種而久者。故謂之韭。象形在一之上。地也。一名豐本。曲禮云。韭一

名起陽草。一名草鍾乳。本草拾遺云。言其溫補也。一名嬾人菜。爾雅

諺云。韭者嬾人菜。莖名韭白。根名韭黃。花名韭菁。叢生

以其不須歲種也。豐本。長葉青翠。八月開小白花成叢。醃作茹。益人

詩。豳風。四之日其蚤。獻羔祭韭。

禮記。王制。庶人春薦韭。

夏小正。正月。囿有韭。

宋史。食貨志。男女十歲以上。種韭。畦濶一步。長十步。

乏井者。隣伍爲鑿之。

齊民要術。收韭子。一如收蔥子法。如市賣者。宜試之。以

卷六十一 農餘 蔬四

銅鑄盛水。加於火上。微煮。須臾芽生者可種。芽不生者。是裏鬱矣。治畦下水糞。覆悉與葵同。畦欲極深。韭一剪一加糞。又根性上跳。故須深也。

羣芳譜 韭根多年交結。則不茂。秋月掘出。去老根。分栽。壅以雞豬糞。亦可子種。可生可熟。可淹可久。菜之最有益者。是處有之。葉高三寸。便剪。剪過糞土壅培之。剪忌日中。一年四五剪。留子者。止一剪。子黑而扁。九月熟。收子。風中陰乾。勿令浥鬱。韭葉熱。根溫。功用同。生則辛而散。痰散血。熟則甘而補。中補腎。除熱下氣。益陽止瀉。子甘溫。暖膝腰。春食香。夏食臭。多食昏神。暗目。不可與密及牛肉同食。熱病後十日食之。卽發。冬月多食。動宿飲。

吐水。酒後尤忌。宿韭忌食。五月食韭損人。北人冬月移根窖中。養以火坑。培以馬糞。葉長尺許。不見風日。色黃嫩。謂之韭黃。味甚美。但不益人。多食滯氣發病。

又種植。土欲熟。糞欲勻。畦欲深。二月七月種。先將地掘作坎。取椀覆土上。從椀外落子。以韭性向內生。不向外生也。常薈令淨。四時類要云。收韭子種韭。第一番割棄之。主人勿食。事類書云。韭畦用雞糞尤佳。至五年根必滿。蟠蚪而不長。擇高腴地分種之。正月上辛日。掃去畦中陳葉。以鐵杷攪起。下水加熟糞。高三寸。便剪用。凡近城郭有園圃者。種三十餘畦。貿易足供家費。秋後又可採韭花供蔬茹。至冬養韭黃。比常韭易。利數倍。或只就

畦中覆以馬糞。北面豎籬障以禦北風。至春其芽早出。長二三寸便可賣。較之他菜爲利甚溥。

吳下田家志種韭宜甲子辛未己卯辛巳甲申辛卯。

山韭附

爾雅藿山韭。

疏韭生山中者名藿。

本草山韭一名籤。音織形性與家韭相類。但根白葉如燈

心苗。山中往往有之。


水韭附

北戶錄水韭生池塘中。葉似韭。字林云籤。音籤水中野韭

也。

羣芳譜有之三尺者五六月堪食不單而脆。

葱



蔥

蔥一名乳

本草云草中有一名菜伯一名和事草

一名菜伯一名和事草

清異錄云

蔥和羹粟味若藥劑必用甘草也所以文言曰和事草

一名鹿胎初生曰蔥鍼葉

曰蔥青衣曰蔥袍莖曰蔥白葉中泚曰蔥苒葉溫白與

鬚平味辛無毒有數種一種凍蔥即冬蔥夏衰冬盛莖

葉氣味俱軟美食用入藥最善分莖栽時而無子人稱

蔥蔥又稱大官蔥謂宜上供也一種漢蔥

本草云一名木蔥其莖麤

硬故有木名

春末開花成叢青白色冬即葉枯亦供食品胡

蔥生蜀郡山谷狀似大蒜而小形圓皮赤葉似蔥根似

蒜味似薤不甚臭八月種五月收一名蒜蔥又名回回

蔥莖葉麤硬蒼蔥山蔥也生於山谷似蔥而小細莖大

葉

爾雅云。蒼山蔥。疏云。蔥生山中者各蔥。

生沙者名沙蔥。又有一種樓蔥。

亦冬蔥之類。江南人呼爲龍角蔥。龍爪蔥。羊角蔥。皮赤莖上生根。移下種之。每莖上葉出岐如八角。故名。蔥自辛。葉溫。根鬚平。主發散。是處皆有。生熟皆可食。更宜冬月。戒多食。四月每朝空心服蔥頭酒。調血氣。正月忌食。令人面起游風。生同蜜食。作下利。燒同蜜食。壅氣殺人。生合棗食。令人病。合犬雉肉食多。令人病血。服地黃常山人忌用。

禮記曲禮。蔥漑處末。

注漑。蒸蔥也。

內則膾春用蔥。秋用芥。脂用蔥。


又切葱若薤實諸醢以柔之。

四民月令三月別小葱。六月別大葱。夏葱曰小。冬葱曰大。

羣芳譜種植。子味辛色黑。作三瓣狀。有皺紋。收取陰乾。若令浥濕則不生。留春月調畦種。良地三剪。薄地再剪。剪宜平且。避熱。宜與地平。勿太深太高。八月止。不止則無袍而損白。凡栽葱。曬稍焉。將冗鬚去淨。疎行密排。豬雞鴨糞和麤糠壅之。不拘時。冬葱暑種則茂。

吳下田家志種葱。宜甲子甲申巳卯辛未辛巳辛卯。

蒜



蒜

蒜。一名葫。

以來自番中。又稱胡蒜。

一名大蒜。

一名葷菜。葉如蘭。莖

如葱。根如水仙。味辛。處處有之。而北土以為常食。八月

分瓣種之。當年便成。獨穎及熟。每瓢五七瓣。或十餘瓣。

亦有獨穎者。苗嫩時可生食。夏初食莖。秋月食種。乾者

可食。至次年春盡。花中有實。亦作蒜瓣而小。可食。孫緬

唐韻云。張騫使西域始得大蒜。初時中國止有小蒜。一

名茆蒜。

一名薺。

爾雅云。薺。山蒜。

一名澤蒜。為其生於野

澤也。又名山蒜。石蒜。為其生於山或石邊也。

本草云。山蒜。澤蒜。石

蒜。同一物也。但分

於山澤石間不同。音

嗒。水中蒜。然則蒜不

特生於平原及山石。而又生於水矣。

本草云。別有山蒜。姑老鴉蒜。石蒜之

類。根葉皆似蒜。而不可食。性辛溫。有小毒。其氣薰烈。能通五臟。達諸竅。去寒濕。辟邪惡。消癰腫。化癥積。肉食。解暑毒。嵐瘴。第辛能散氣。熱能助火。傷肺損目。伐性昏神。有荏苒受之而不知者。鍊形家以小蒜。大蒜。韭。芸薹。胡荽。爲五葷。道家以韭。薤。蒜。芸薹。胡荽。爲五葷。佛家以大蒜。小蒜。興渠。蔥。葱。茗。葱。爲五葷。雖品各不同。然皆辛薰之物。生食增毒。熟食發淫。有損性靈。故絕之云。獨賴者切片炙癰疽腫毒最效。月令三月戒蒜。亦忌常食。

崔豹古今注。蒜。卵蒜也。俗人謂之小蒜。外國有蒜。十許子共爲一株。籜幕裹之。尤辛於小蒜。俗人呼之爲大蒜。

齊民要術

蒜宜良輒地。

白軟地蒜美而科大。黑軟次。三剛強之地。辛辣而瘦小。

三

徧熟耕。九月初種。種法五寸一株。諺曰：左右過一萬餘株。二月半

鋤之。令滿三徧。

弗以無草而不鋤。則科小。

條拳而軋之。不軋則

葉

黃鋒出。則辯於屋下風涼之處。桁之。

早出者皮赤。科堅。可以遠行。晚則皮

善

碎。冬寒取穀耨。

反奴勒布地。不爾則凍死。收條中子種者。

一年爲獨瓣。二年則成大蒜。科皆如拳。又逾於凡蒜矣。

冬能鄙事。熟耕地一二次。爬成溝。二寸一窠。種一瓣。苗

出高尺餘。頻鋤鬆根旁。頻以糞水澆之。拔去臺則瓣肥

大。不則瘦小。澤潞種蒜。初出如剪韭。二三次愈肥美。

一說九月初。於菜畦中稠栽蒜瓣。候來年春二月。先將

地熟鋤數次。每畝上糞數十担。再鋤耙勻。持木棚插一

窠。栽一株。栽徧或無雨。常以水澆。至五月。大如拳。極佳。


四民月令布穀鳴。收小蒜。六月七月可種小蒜。八月可種大蒜。

吳下田家志種蒜宜戊辰辛未戊申丙子壬戌癸巳辛丑。

水晶葱附

水晶葱葉似葱而實蒜。不臭。宜鬆土鋤溝擺於內。用牛馬糞糠粃拌土蓋之。仍以芝麻蓋於上。八月種。來年五七月收。宜薑醋浸。

韭 薤



薤

薤一名藟子。音叫。或作藟者非。一名莛子。莛音鈞。因其根白呼

莛。一名火蔥。收種宜火薰。一名菜芝。爾雅翼云。夫物英華之

芝。一名守宅。一名家宅。見酉陽雜俎。本文作藟。韭類也。爾雅

似韭而無實。葉中空似細蔥葉而有稜。氣亦如蔥。體光

澤。味辛溼滑無毒。二月開細花。紫白色。根如小蒜。一本

數顆相依而生。其根煮食。芼酒糟藏醋浸皆宜。故內則

云。切蔥薤實諸醯以柔之。

爾雅藟。鴻薺。

注。卽薤菜也。疏。葉似韭之菜也。一名鴻薺。本草謂之

菜芝是也。

禮記內則膏用薤。

本草蘇恭云。有赤白二種。白者補而美。赤者苦而無味。王氏農書。生則氣辛。熟則甘美。種之不蠹。食之有益。齊民要術。薤宜白。輒良地。三轉乃佳。二月三月種。八月九月種亦得。秋種者春末乃生。率七八支爲一本。諺曰。葱三籬四。移葱者三支爲一本。種薤者四支爲一科。支多者科圓大。故以七八爲率。籬子三月葉青便出之。未青而出者肉未滿。令薤瘦。燥曝按去莖。餘切却薑根。留薑根而濕者。卽瘦細不得肥也。先重耬耩地。壟燥培而種之。壟燥則籬肥。耬重則白長。率一尺一本。葉生卽鋤。鋤不厭數。荒則羸惡。五月初耩。八月初耩。不耩則白短。葉不

用剪。剪則損白。供常食者別種。九月十月出賣。

爾雅翼今人種薤。皆以大蒜置硫黃其中。久則種分爲薤。

羣芳譜八月栽根。正月分蒔。宜肥壤。數枝一本。則茂而根大。五月葉青則掘之。否則肉不滿。

山薤附

爾雅勤山薤。

本草蘇頌曰。山薤莖葉與家薤相似。而根差長。葉差大。僅若鹿葱。體性亦與家薤同。

野薤附

農書野薤生麥原中。葉似薤而小。味益辛。亦可供食。

蕨菜



蓴菜

蓴菜。蓴。許氏說文作蓴。一名香蓴。一名胡蓴。一作胡菜。一名

云薑屬。可以香口。

胡菜。處處種之。莖青而柔。葉細。有花岐。立夏後。開細花

胡菜。

成簇。如芹菜花。淡紫色。五月收子。如大麻子。亦辛香。子葉俱可用。生熟皆可食。甚有益於世者。根軟而白多鬚。綏綏然。故謂之蓴。張騫得種於西域。故名胡蓴。後因石勒諱。胡改作香蓴。又以莖葉布散。呼爲蓴菜。味辛氣溫。消穀。止頭痛。治五臟補不足。利大小腸。通心脾竅。及小腹氣。拔四肢熱。治腸風。合諸菜食。氣香。令人口爽。辟飛尸鬼。疰蟲毒。冬春采之。香美可食。亦可作菹。道家五葷之一。伏石鍾乳。久食損精神。令人多忘。凡腋氣口臭。惡

齒脚氣金瘡久病人不可食。同斜蒿食。令人汗臭難產。服補藥。及藥中有白朮牡丹皮者忌。

齊民要術

胡荽宜黑輭青沙良地。三徧熟耕。春種者用

秋耕地。開春凍解。地起有潤澤時急種之。一畝用子二

升。穧種漸鋤。取賣供生菜也。一畝用子一升。疎密正好。

欲種時布子於堅地。一升子與一掬濕土和之。以脚踏

令破作兩段。

子有兩仁。不破兩段。則密。水泄而不生。着土者。令注入殼中。則生疾而長速。種時欲

燥。此菜非雨不生。於旦暮潤時。以耬耩作壟。以手撒子。所以不求濕下也。

即勞令平。春雨難期。必須藉澤。蹉跎失機。則不得矣。地

正月中解凍者。時節既早。雖浸芽不生。但燥種之。不須

浸子。若二月始解者。歲月稍晚。恐澤少不時生。失歲計。

矣。便於煖處。籠盛胡荽子。一日三度。以水沃之。二三日則芽生。於旦暮時投潤漫擲之。數日卽出矣。大體與種麻法相似。假令十日二十日未出者。亦勿怪之。尋自當出。有草方令拔之。菜生二三寸。鋤去穢者。供食及賣。十月足霜乃收之。取子者仍留根。間拔令稀。穢卽不生。以草覆上。覆者得供生。食又不凍死。又五月子熟。拔取曝乾。濕則格柯打出。作蒿蒔盛之。冬日亦得入窖。夏還出之。但不濕亦得五年。六年停。此菜早種。非連雨不生。所以不同。春月要求濕下種。麥底地亦得種。止須急耕調熟。六月中連雨生。則根彊科大。七月種者。雨多亦得。雨少則生不盡。但根細科小不同耳。

羣芳譜種植宜肥濕地。先將子捍開。四五月晦日晚種。以灰糞覆之。水澆則易長。六七月布種者可竟冬食。春月按子沃水。生芽者。小小供食而已。都下火坑鬱蒸者。莖葉鶩黃色。甚香美脆嫩。第非出自然。恐不益人。

野蓴葵

附

野蓴葵。一名天胡葵。一名石胡葵。一名鶩不食草。一名雞腸草。小草也。生石縫及陰濕處。高二三寸。冬月生苗。細莖小葉。形狀宛如嫩胡葵。氣辛薰。不堪食。夏開細花。黃色。細子。極易繁衍。僻地則鋪滿。辛寒無毒。通臭氣。利九竅。吐風痰。解毒。明目散翳。消瘰。汁制砒石雄黃。

猪首



本草綱目卷之二十三

苜蓿

苜蓿一名木粟

爾雅翼作木粟言其米可炊飯也

一名懷風一名光風

草

西京雜記云風在其間常蕭蕭然日

照其花有光彩故名懷風又名光風

一名連枝草

雜記云茂陵人謂之連枝草

一名牧宿

本草云郭璞作牧宿謂其宿根自生可飼牧牛馬也

名塞鼻力迦

見金光明經

張騫自大宛帶種歸今處處有之

苗高尺餘細莖分叉而生葉似豌豆頗小每三葉攢生

一處梢間開紫花結彎角角中有子黍米大狀如腰子

三晉為盛秦齊魯次之燕趙又次之江南人不識也味

苦平無毒安中利五臟洗脾胃間諸惡熱毒長宜飼馬

尤嗜此物

元史食貨志至元七年頒農桑之制令各社布種苜蓿

以防飢年。

四民月令

七月八月可種苜蓿。

齊民要術

地宜良熟。七月種之。畦種水澆。一如韭法。春

初既中生。嫩爲羹甚香。此物長生。種者一勞永逸。都邑

負郭所宜種之。

羣芳譜。種植。夏月取子和蕎麥種。刈蕎時。苜蓿生根。明

年自生。止可一刈。三年後便盛。每歲三刈。欲畱種者止

一刈。六七年後墾去根。別用子種。若效兩浙種竹法。每

一畝。今年半去其根。至第三年去另一半。如此更換。可

得長生不煩更種。若墾後次年種穀。必倍收。爲數年積

葉壤爛。墾地復深。故今三晉人刈草。三年卽墾作田。亟

欲肥地種穀也。

欽定授時通考卷六十三

農餘

果一

梅

杏

桃

李

梨

棠梨

櫻桃

楊梅

榘

榘

榘
榘

沙棠

棣

白櫻桃

山櫻桃

枇杷

柰

林檎

蘋果

山楂

枳椇

葡萄

梅



梅

梅一名藤。實似杏。大者如小兒拳。小者如彈。熟則黃。微

甘酸。可啖。生純青。酸甚。多食泄津液。生痰。損筋蝕脾。傷

腎弱齒為脯。含之。口香。造煎堪久。子赤者材堅。白者材

脆。種類不一。白者有綠萼梅。實大。五月熟。重葉梅。結實。消梅。

實甘青。止可生啖。雖酢甚鬆脆。多液無滓。冠城梅。實甚

花重者實小。單者大。不宜熟。亦不堪煎造。五月熟。時梅。實大。五月熟。早梅。四月熟。冬梅。實小。十月可

熟。頂梅。實大。六月熟。鴛鴦梅。梅譜云。即多葉紅梅也。結實必雙。凡

異。而紅。雙頭梅。或結並蒂。小。實不堪啖。杏梅。實扁而斑。味似杏。異品有冰梅。實

自葉罇。不花。色如冰玉。無核。含之自融如冰。佳品也。范成大梅譜。江梅。于小。具區

志。洞庭諸山有吐花疏。實小。未熟。方訖。梅。一名時裏梅。

花。可。其。而。大。可。

以密漬。
及蒸製。

禮記內則桃諸梅諸卵鹽。

疏桃諸梅諸卵鹽者言食桃諸梅諸之時以卵鹽和之。王肅云諸菹也。謂桃菹梅菹。卽今之藏桃也。藏梅也。欲藏之時必先稍乾之。故周禮謂之乾棣。

夏小正五月煮梅爲豆實。

齊民要術梅實小而酸。核有壅文。杏實大而甜。核無文。采梅任調食及壅。杏則不任此用。世人不辨。言梅杏爲一物。失之遠矣。

橘



杏。

杏。一名甜梅。樹大實多。形如彈丸。有大如梨者。生酢熟

甜。性熱。生痰及癰疽。不宜多食。小兒產婦尤忌。種類不

一。有金杏。圓而黃。熟最早。味最勝。一名漢帝杏。謂武帝上林苑遺種也。大如梨。黃如橘。出濟南。白

杏。熟時色青白。或微黃。味甘。淡而不酢。出滎陽。沙杏。甘而多汁。即世所稱水杏也。梅杏。黃

帶。奈杏。青而帶黃。出鄴中。金剛拳。赤大而扁。肉厚。味佳甚。又名肉杏。山杏。肉薄

食。但可。巴旦杏。一名八擔杏。出回回地。今關西諸處皆

珍。仁用。鮮者尤脆。仁清甘。鮮者尤脆。有葉差小。實小而肉薄。核如梅。皮薄而

美。稱果之佳者。又有赤杏黃杏。廣志云。蓬萊杏。出鄴中。格物叢話。杏實味香於梅。而酸不及。核與肉自相離。其

仁可入藥。

羣芳譜。種桃樹接杏。結果紅而且大。又耐久不枯。

文獻通考杏多實不蟲者。來年秋禾善。五木者。五穀之先。欲知五穀。但視五木。故五果分五行。所以表五穀。又按五果之義。夏之果莫先於杏。五時之首。寢廟必有薦。而此杏適丁夏之時。故特取之。杏之枝葉華果皆赤。故古者鑽燧。夏取棗杏之火也。

桃



桃

桃實甘子繁。故字從木從兆。性酸甘熱。可食。多食令人有熱。能發丹石毒。生桃尤不宜多食。有損無益。性早實。三年便結子。五年即老。結子便細。十年必死。以皮緊也。若四年後。用刀自樹本豎剗其皮。至生枝處。使膠盡出。

則多活數年。種類頗多。有崑崙桃。一名王母桃。一名仙人桃。一名冬桃。出洛

中。味日美。扁桃。出波斯國。形扁肉澀。不堪食。核狀如盒。高五

花落結實如桃。彼地名波淡樹。仁甘美。番人珍之。北戶錄云。形如半月。狀出占卑國。新羅桃。子可

熱。方桃。形微方。餅子桃。狀如香餅。味甘。油桃。小於衆桃。有赤斑。點

不堪噉。惟取仁。出汁中。巨核桃。金桃。形長。色黃如金。肉黏核。多螻

銀桃。圓色青。肉不黏核。其皮光澤如李。一名光桃。十月桃。形圓。色青。肉黏核。

味甘酸。十月中成。

熟。一名古冬桃。又名雪桃。按爾雅云。毛桃。謂桃小冬桃。疏云。桃子冬熟者不堪食。當卽此也。毛桃。謂桃小而多毛。核黏味惡不堪食。水蜜桃。獨上海有之。而顧尚其仁充滿多脂。可入藥。寶西園所出尤佳。其味亞于雷震紅。張七澤云。每雷雨過。輒生荔枝。雷震紅。見一紅暈。最爲難得。他如紅桃。細桃。白桃。烏桃。皆以色名。五月早桃。秋桃。霜桃。皆以時名。臘脂桃。絡絲桃。皆以形名。王敬美有言。桃種最多。金桃。密桃。灰桃之類。多植園中。取果壽星桃。樹矮而花。能結大桃。亦奇種。可玩。桃殊不堪食。客燕雜記。京師中佳果。有紅桃。白銀桃。小桃。蟠桃。合桃。酒紅桃。霜下桃。肅寧八月桃。

禮記內則。桃曰膽之。

疏。桃多毛。拭治去毛。令色青滑如膽也。或曰。膽謂苦

桃。有苦如膽者擇去。

周禮饋食之籩其實桃。

夏小正六月煮桃。傳桃也者。梅桃也。梅桃也者。山桃也。

煮以爲豆實也。

埤雅諺曰白頭種桃。又曰桃三李四。梅子十二。言桃生三歲便放花果早於梅李。故首雖已白。其花子之利可待也。

種樹書桃樹接李枝則紅而甘。梅樹接桃則脆。桃樹接杏則大。桃熟時。牆面暖處。寬深爲坑。收濕牛糞納坑中。收好桃核十數枚。尖頭向上。坑中糞土蓋厚一尺。深春芽生和土移種之。

羣芳譜凡種桃淺則出深則不生。故其根淺。不耐旱而易枯。近得老圃所傳云。於初結實次年。斫去其樹。復生又斫。又生。但覺生虱卽斫。令復長。則其根入地深而盤結固。百年猶結實如初。又桃實太繁則多墜。以刀橫斫其幹數下乃止。又社日春根下土。持石壓樹枝。則實不墜。桃子蛀者。以煮豬首汁冷澆之。或以刀疎斫之。則穰出而不蛀。如生小蟲如蚊。俗名蚜蟲。雖桐油灑之。不能盡除。以多年竹燈檠掛懸梢間。則蟲自落。甚驗。

李



李

李一名嘉慶子。

爾雅翼云。李。木之多子者。故從子。本草云。木之多子者多矣。何獨李稱多子耶。

按素問言李味酸。屬肝。東方果也。

則李於五果屬木。故得專稱爾。

實有離核合核無核

之異。小時青。熟則各色。有紅有紫有黃有綠。又有外青內白。外青內紅者。大者如杯如卵。小者如彈如櫻。其味有甘酸苦澀之殊。性耐久。樹可得三十年。雖枝枯。子亦不細。種類頗多。有麥李。南居李。季春李。木李。御黃李。均亭李。擘李。餒李。中植李。趙李。御李。赤李。冬李。離合李。皆李之特出者。他如經李。杏李。黃扁李。夏李。名李。縹青李。建黃李。青皮李。赤陵李。馬肝李。牛心李。紫粉李。小青李。水李。扁縫李。金李。鼠精李。合枝李。奈李。晚李之類。未可

悉數。建寧者甚甘。今之李乾。皆從此出。

爾雅棗李曰壹之。

疏謂治棗李皆去其核。核者。祇也。

羣芳譜移栽。春月取近根小條栽之。離大樹遠者不
待長。移之別地。性喜開爽。宜稀栽。南北成行。率兩步一
株。太密聯陰。則子小而味不佳。樹下勤去草。而不可耕。
耕則樹肥而無實。嫁李。正月一日。或十五日。以磚石
著李樹岐中。則實繁。又臘月中。以杖微打樹岐間。正月
晦日。復打。可令足子。又法以煮寒食醴酪火。榛著樹間。
亦良。或曰桃樹接李。則生子甘紅。

梨



梨

梨。一名果宗。一名快果。一名玉乳。一名蜜父。北地處處

有之。南方惟宣城爲勝。二月開花。上巳日無風。則結梨

必佳。有二種。瓣圓而舒者果甘。缺而皺者味酸。果圓如

櫛。頂微凹。無尖瓣。性甘寒無毒。潤肺涼心。消痰降火。解

瘡毒。酒毒。乳梨。本草云。又名雪梨。出宣城。皮厚肉實。味長。鶯梨。本草云。又名

南北。皮薄漿多。味頗短。香則過之。二梨皆入藥。其餘水梨。赤梨。茅梨。禦

兒梨。紫糜。陽城夏梨。秋梨。種類非一。他如紫香水梨。本草

云。又名消梨。出北地。最爲上品。張公夏梨。廣志云。出洛陽北。廣都梨。鉅

鹿豪梨。廣志云。重六斤。鉅野梨。新豐箭谷梨。關西谷中

梨。廣志云。關中以西。京兆右扶風界。諸谷中梨。率多供御。味色香種種奇絕。未可悉

數本草紫花梨

療心熱耳日記武宗時青城山邢道士以青丹兩粒取梨汁進之曰太白南溪

紫花梨也壽春公主于真定得一株及秋實手選而進之

含消梨三輔黃圖漢武帝御宿園出大梨如

五升瓶落地則破其取梨先以布囊承之號曰含消真定御梨魏文帝詔真定郡

脆若菱可以解煩釋情

禮記內則粗梨曰攢之

注攢之者鑽治其蝨處也

爾雅梨山櫛

疏此果在山之名則曰櫛人植之曰梨

種樹書桑上接梨則脆而甘美

羣芳譜種梨梨熟時埋之經年至春生芽次年分栽溉

以肥水至冬葉落附地刈之以炭火燒頭二年即結子

若稽生。及種而不栽。則結子遲。每梨百十餘子。惟二子生梨。餘皆生杜。又栽梨。春分前十日。取旺梨筍。如拐樣。截其兩頭。火燒鐵器烙定津脈。臥栽於地。卽活。

又接梨。取棠杜。管以上者。大者接五枝。小者二三枝。梨葉微動爲上時。欲開葶爲下時。先作麻紉纏十數匝。以小利鋸截杜。令離地五六寸。將原幹用利刃貼皮剝開。尖竹籤刺入皮木之際。令深一尺許。預取結梨旺嫩枝。向陽者。長五六寸。削如馬耳。名曰梨貼。用口含少時。以借其氣。插入杜樹孔中。大小長短。削與所刺等。拔去竹籤。卽插梨貼至所探處。緊縛勿動搖。以綿裹杜樹頂。封熟泥于上。以土培覆。令梨僅出頭。仍以土壅四畔。當梨

上沃水。水盡以土覆之。務令堅密。梨枝甚脆。培土時須
謹慎。若著掌則芽折。梨貼須去黑皮。勿傷青皮。傷青皮
則不活。梨既生。杜旁有葉。卽去之。勿分其力。月餘自發。
長卽生梨。梨生用箬包裹。勿爲象鼻蟲所傷。又云。凡接
梨園中用旁枝。葉得四散。庭前用中心。取其枝幹直上。
用根邊小枝。樹形可喜。五年方結子。用鳩根老枝。三年
卽結子。但樹醜。若遠道取貼根下。屢至四寸。可行數百
里。猶生。又藏梨。初霜卽收。多經霜。不能至夏。於屋下掘
深窖。坑底無令潤濕。收梨在中。不須覆蓋。便可經夏。摘
時須好接。勿令損傷。物類相感。志梨與蘿蔔相間。收或
削梨蒂種于蘿蔔內。藏之。皆可經年不爛。本草就樹上

以囊包裹。過冬乃摘。亦妙。

榘附

爾雅榘蘿。

注今陽榘也。實似梨而小。酢可食。

陸璣詩疏榘一名赤蘿。一名山梨也。今人謂之陽榘。實似梨。但小耳。一名鹿梨。一名鼠梨。

本草李時珍曰。山梨野梨也。處處有之。梨大如杏可食。其木文細密。赤者文急。白者文緩。

榘附

榘一名和圓子。一名木桃。處處有之。孟州特多。小於木瓜。更酢澀。色微黃。蒂核皆粗。核中之子小而圓。味劣於

梨與木瓜。而入蜜煎湯。則香美過之。去惡。咽酸。止瀉。痰黃水。功與木瓜相近。

禮記內則相梨薑桂。

注相梨之不臧者。

風土記相梨屬。內堅而香。

榲桲附

榲桲似榼子而小。氣香辟衣魚。樹如林檎。花白綠色。味甘。食之宜淨洗去毛。恐損肺。不宜多食。同車螯食。發疝氣。

述異記江淮南人至北。見榲桲。以爲榼子。

羣芳譜榲桲出關陝沙苑者更佳。

梨棠



棠梨

棠梨實如小楝子。霜後可食。其樹接梨甚佳。處處有之。有甘酢赤白二種。

爾雅杜甘棠。

注今之杜梨。

又杜赤棠白者棠。

疏赤者爲杜。白者爲棠。

鄭康成毛詩箋北人謂之杜梨。南人謂之棠梨。

通志甘棠謂之棠梨。又海棠。子名海紅。爾雅赤棠也。狀如木瓜而小。二月開花。八月熟。

陸璣詩疏甘棠與赤棠同耳。但子有赤白美惡。白棠甘

棠也。子多酸美而滑。赤棠子澀而酢。木理亦赤。可弓材。
本草化曰杜。牡曰棠。或云澀者杜。甘者棠。杜者澀也。棠者餽也。

齊民要術棠熟時收種之。否則春月移栽。八月初天晴時摘葉薄布曬令乾。可以染絳。必候天晴時少摘葉乾之。復晴則摘慎勿頓收。若遇陰雨則澆。澆不堪染絳也。成樹之後歲收絹一百疋。亦可多種。利乃勝桑也。

沙棠附

山海經崑崙之丘有木焉。其狀如棠。黃華赤實。其味如李而無核。名曰沙棠。可以禦水。食之使人不溺。本草今嶺外寧鄉瀧水羅浮山中皆有之。

棣附

棣一名郁李。一名鬱李。一名爵李。一名車下李。一名鬱梅。一名爵梅。山野處處有之。花及子並似木李。惟子小如櫻桃。熟赤色。五月熟可食。又可入藥。

陸璣詩疏許慎曰鬱。白棣樹也。如李而小。正白。又有赤棣。樹亦似白棣。葉如刺榆而嫩圓。子正赤。

羣芳譜性潔喜暖日和風澆宜清水忌肥核仁氣味甘苦酸平而潤無毒治大腹水腫面目四肢浮腫利小便通水道消宿食下結氣宣大腸氣澀滯燥瀉不通。

桃櫻



櫻桃

櫻桃。本草衍義云。以其形肖桃。故曰櫻桃。綱目云。其類如櫻珠。故謂之櫻。一名榘。一名荆。

桃。爾雅云。楔。荆桃。注云。今櫻。一名牛桃。一名英桃。見博物志。桃最大而甘者。謂之崖蜜。

一名鷲桃。一名含桃。說文云。鷲桃。鷲鳥所食。故又曰含桃。一名朱櫻。陶弘景本草經注云。櫻。埤雅云。其類大者如彈丸。小者如珠璣。生

時青。及熟。色鮮瑩。深紅者為朱櫻。紫色皮內有細點者。為紫櫻。味最珍重。又有正黃明者。謂之蠟櫻。小而紅者。謂之櫻珠。味皆不及。極大者有若彈丸。核細而肉厚。尤

難得。膳夫錄云。大而殷者曰吳櫻桃。黃而白者曰櫻桃。小而赤者曰水櫻桃。味甘無毒。中益氣美志。止洩精

水。穀痢。令人好顏色。多食令人吐有暗風。及喘嗽濕熱。

欽定受詩通考

卷六十三 農餘

果

五

病人忌食小兒尤忌。

禮記月令羞以含桃先薦寢廟。

疏案月令諸月無薦果之文。此獨羞含桃者。以此果先成。異於餘物。故特記之。

山家清供結實時。須張網以驚鳥雀。置葦箔以護風雨。若經雨。則蟲自內生。人莫之見。用水浸良久。則蟲皆出。乃可食。

羣芳譜種植。二三月間。分有根枝。栽土中。糞澆。卽活。仍記陰陽。否則不生。卽生亦不結實。

白櫻桃附

因樹屋書影。白櫻桃生京師西山中。微酸。不及朱櫻之

世類也

山櫻桃

附

本草山櫻桃。一名朱桃。一名麥櫻。一名英豆。一名李桃。樹如朱櫻。但葉尖長不圓。子小而尖。生青熟黃赤。亦不光澤。而味惡不堪食。味辛平無毒。

楊梅



楊梅

楊梅一名杔子生江南嶺南山谷間。會稽產者爲天下冠。吳中楊梅種類甚多。名大葉者最早熟。味甚佳。本出茗溪。移植光福山中尤勝。又次爲青蒂白蒂及大小松子。此外味皆不及。樹若荔枝。葉細青如龍眼。及紫瑞香。本草云。楊梅樹葉冬月不凋。二月開花結實。形如楮實。子肉在核上。無皮殼。五月熟。生白。熟則有白紅紫三色。紅勝於白。紫勝於紅。凡楊梅顆大核細爲上。鹽藏蜜漬。糖置火酒浸皆佳。可致遠。多食令人傷熱。食核中仁可解。味酸甘微熱。滌腸。筋發。

瘡致痰。

羣芳譜種植性宜山地核投糞池中浸六月取出收潤土中三月鋤地種之待長尺許次年移栽三四年後以生子枝接之次年仍移栽山地多留宿土臘月內離根四五尺於高處開溝灰糞壅之不宜著根每遇雨肥水滲下則結子大而肥。

物類相感志桑樹接楊梅則不酸樹上生癩以甘草釘之則去。

枇杷



枇杷

枇杷。樹高丈餘。易種。肥枝長葉。微似栗。大如驢耳。背有黃毛。形如枇杷。故名。陰密。婆娑可愛。四時不凋。冬開白花。三四月成實。簇結有毛。大者如鷄子。小者如龍眼。味甘而酢。白者爲上。黃者次之。皮肉薄。核大如茅栗。祖傳枇杷。秋萌冬花。春實夏熟。備四時之氣。他物無與類者。襄漢吳蜀淮揚閩嶺江西湖南北皆有。廣志云。無核者名焦子。出廣州。味甘酸。平無毒。止渴下氣。利肺氣。止吐逆。潤五臟。主上焦熱。可充果食。多食發痰傷脾。同炙肉及熱麪食。患熱黃疾。花治頭風。鼻流清涕。木白皮。止吐逆。不下食。葉治肺胃病。取其下氣。氣下則火降痰順。而

逆嘔欬渴皆愈。

學圃餘疏。枇杷出東洞庭者大。自種者小。然卻有風味。獨核者佳。蓋他果須接乃生。獨此果直種之。亦能生也。物類相感志。枇杷不宜糞。

柰



柰

柰一名頻婆。與林檎一類而二種。江南雖有。西土最豐。樹與葉皆似林檎而實稍大。味酸微帶澀。可栽可壓。白者爲素柰。赤者爲丹柰。亦曰朱柰。青者爲綠柰。皆夏熟。本草涼州有冬柰。冬熟。子帶碧色。性寒。多食令人肺家膨脹。病人尤甚。

廣志西方多柰。家家收切曝乾。作脯。十百斛以爲蓄積。謂之頻婆糧。

林檎



林檎

林檎一名來禽。一名蜜果。一名文林郎果。一名冷金丹。

元氏長慶集林檎花一名月臨花。

生渤海間。以柰樹搏接。二月開粉紅

花。子如柰。小而差圓。六七月熟。色淡紅可愛。有甜酸二種。有金紅水蜜黑五色。甜者早熟。而味脆美。酸者熟差晚。須爛方可食。黑者色如紫柰。有冬月再實者。性甘溫。下氣消渴。多食脹滿。或云食多覺膨脹。並嚼其核。卽消。一云食其子令人心煩。生者食多。生瘡癩。


學圃餘疏花紅卽古林檎。

王羲之帖青李來禽。子皆囊盛爲佳。函封多不生。

物類相感志林檎樹生毛蟲埋蠶蛾於下。或以洗魚水

澆之卽止。

蘋果



蘋果

蘋果。

按本草不載蘋果。而釋柰云。一名頻婆。據採蘭雜志。學圃餘疏。頻婆又當屬此名。蓋與柰一類二種也。

出北地。燕趙者尤佳。接用林檎體。樹身聳直。葉青似林檎。而大。果如梨而圓滑。生青。熟則半紅半白。或全紅。光潔可愛。玩香聞數步。味甘鬆。未熟者食如棉絮。過熟又沙爛不堪食。惟八九分熟者最美。

採蘭雜志

燕地有頻婆。味雖平淡。夜置枕邊。微有香氣。

卽佛書所謂頻婆。華言相思也。

學圃餘疏

北土之頻婆。卽花紅一種之變也。吳地素無。

近亦有移植之者。

山 植



欽定四庫全書

卷之三十三 農餘

果一

三

山櫨

山櫨。

一作查。其味似楂。故名。

一名棠棣子。

一名羊棣。

棣字之誤。

一名山

裏果。

一名茅櫨。一名猴櫨。一名鼠櫨。

本草云。生於川原茅林中。猴鼠喜食。

之。故有

諸名。一名杔子。一名杔梅。

爾雅云。杔。杔梅。

一名赤瓜子。

本草云。當

作赤棗。櫨狀似赤棗。虞衡志有赤棗。王璆。其類有二種。百一方云。山裏紅果。俗名酸棗。正合此義。

皆生山中。一種小者。樹高數尺。多枝柯。葉有五尖。色青

背白。極間有刺。三月開小白花。五出。實有赤黃二色。九

月熟。其核狀如牽牛子。色微白。映紅甚堅。一種大者。樹

高丈餘。花葉皆同。但實稍大而色黃綠。皮澀肉虛。初甚

酸澀。經霜乃紅。可食。出滁州青州者佳。爲消滯要藥。語

云。山櫨有爛肉之功。小者爲棠杔子。茅櫨猴楂。堪入藥。

肥大者爲羊杔子。可作果食。入藥者切四瓣。去核曬乾
收用。

枳椇



枳椇

枳椇。一名蜜棧椇。

音止

一名蜜屈律。

皆屈曲不伸之義。此樹多枝而曲。其

子亦拳。故名。

一名木蜜。

一名木珊瑚。

一名鷄距子。

一名鷄爪

子。一名樹蜜。

一名木傷。

味美如餈蜜。

一名白石。

一名白實。一

名木石。一名木實。木高三四丈。葉圓大如桑柘。夏月開

花。枝頭結實如鷄爪形。長寸許。紐曲開作兩三岐。儼若

鷄之足距。嫩時青色。經霜乃黃。嚼之味甘如蜜。每開岐

盡處。結一二小子。狀如蔓荊子。內有扁核。赤色。如酸棗

仁形。

禮記曲禮。婦人之贄。椇。榛。脯。脩。棗。栗。

爾雅翼。古者人君燕食所加庶羞。凡三十一物。椇其一

也。又爲婦人之贄。荆楚之俗。亦鹽藏荷裏。以爲冬儲。今不以爲重。賤者食之而已。

羣芳譜。今山西甚多。俗名拐棗。

蒲萄



葡萄

葡萄。古作蒲桃。又作蒲陶。苗作藤蔓而極長大。盛者一
二本。綿被山谷間。三月間開小花。成穗黃白色。旋著實。
七八月熟。可生食。可釀酒。最難乾。不乾不可食。今太原
平陽皆製乾。貨之四方。西北人食之無恙。東南食之多
病熱。其根莖中空相通。暮澆其根。至朝而水浸其中。故
俗呼其苗爲木通。澆以米泔水最良。以麝入其皮。則葡
萄盡作香氣。以甘草作針。針其根則立死。

種樹書

葡萄欲其肉實。當栽於棗樹之旁。於春鑽棗樹

上作竅子。引葡萄枝入竅中。透出。至二三年其枝既長
大。塞滿樹竅。便可斫去葡萄根。託棗根以生。便得肉實

如棗。北地皆如此法種。

羣芳譜

水晶葡萄。

暈色帶白。如著粉。形大而長。味甚甘。西番者更佳。

馬乳葡萄。

出蜀中。熟時色

形大而長。味甘。

紫葡萄。

黑色有大小二種。酸甜二味。

綠葡萄。

出西番者。名

兎睛。勝糖蜜。無核。尤異品也。

瑣瑣葡萄。

出西番。實小如胡椒。今中國亦有種者。

雲南出

者。大如棗。味尤長。唐史波斯國所出。大如鷄卵也。

又種植。取肥枝如拇指大者。從有孔盆底穿過。盤一尺

於盆內。實以土。放原架下。時澆之。候秋間生根。從盆底

外截斷。另成一架。澆用冷肉汁。或米泔水。又收藏。北方

天寒。初冬須以草裹埋地中尺餘。俟春分後取出。臥置

地數日。然後架起。子生時。去其繁葉。使霑風露。則結子

肥大。

廣羣芳譜。今塞外有十種葡萄。曰伏地公領孫。哈密公領孫。哈密紅葡萄。哈密綠葡萄。哈密白葡萄。哈密黑葡萄。哈密瑣瑣葡萄。馬乳葡萄。伏地黑葡萄。伏地瑪瑙葡萄。

欽定授時通考卷六十四

農餘

果二

棗

酸棗

柿

榭柿

木瓜

榭榼

安石榴

栗

石栗

榲

榛

松子

核桃

銀杏

栗



棗

棗一名木蜜。皮麤葉小。面深綠色。背微白。發芽遲。五月開小花。淡黃色。花落卽結實。生青不堪食。漸大漸白。至微見紅絲。卽堪生啖。熟則純紅。味甚甘甜。王禎農書云。南北皆有。然南棗堅燥。不如北棗肥美。生於青齊晉絳者尤佳。能開胃健脾。可久留。生熟皆可食。多食生熱。令人齒黃。病齩齒。

詩豳風八月剝棗。

禮記內則棗曰新之。

疏棗易有塵埃。恒治拭之使新。

左傳女贄不過榛栗棗脩。以告虔也。

疏取其早起者也。

齊民要術旱澇之地不任稼穡者種棗則任矣。

羣芳譜種類甚多有壺棗。爾雅云棗壺棗。註云今江東呼爲棗大而銳上者爲壺。壺

猶瓠也。鹿盧棗。爾雅云邊要棗。註云子細腰。今謂之鹿盧棗。白棗。爾雅云齊白棗。註云即今

乃熟。揚徹齊棗。見爾雅。註云未詳。羊棗。爾雅云遵羊棗。註云實小而圓紫黑色。今

俗呼之爲大棗。爾雅云洗大棗。註云今河東躡洩棗。爾

云躡洩苦棗。無實棗。爾雅云替無實棗。註云不著子者。還味棗。爾雅云

棗。註云還味短味。感咨棗。一名大白。核小肌肥。穀城紫棗。長二寸。西王母棗。

大如李核。三月熟。在衆果之先。夏白棗。出洛陽。墟棗。出汲郡。一名安益棗。信都大棗。

梁國夫人棗。三星棗。駢白棗。灌棗。狗牙棗。雞心棗。牛頭

棗。獼猴棗。夕棗。崎廉棗。以上十六名並出廣志。棠棗。玉門棗。並出西京

藥

齊民要術云。出青州。豐肌。細核。多膏肥美。爲

記。樂氏棗。

天下第一。相傳樂毅破齊時。從燕來齊所種

也。羊角棗。

詳見後。御棗。味最美。出安邑。窑坊棗。府窑坊門內。無

核。棗。

實小。核僅有形。食之不覺。出青城縣。氏棗。木棗。丹棗。鶴珠棗。出天台。

人以致

元帝。又分栽。選味佳者。留作栽。候葉始生。取大棗傍條二三

尺高者移種。棗性硬。其生晚。芽未出。移恐難出。三步一

行。行欲相當。如本年芽未出。弗遽刪除。諺云。棗樹三年

不算死。亦有久而後生者。

又修樹。每元旦日未出時。反斧斑駁。椎之。謂之嫁棗。不

椎。則花而不實。斫之。則子萎而落。候大蠶入簇。以杖擊

其枝間。振去狂花。則結實多。

又收棗。棗全赤卽收。搥而落之爲上半。赤而收者肉未
充滿。乾則色黃而皮皺。將赤。味亦不佳。全赤久不收。則
皮硬。復有鳥雀之患。一法將纔熟棗。乘清晨連上枝葉
摘下。弗損傷。通風處。晾去露氣。簡新缸。無汕酒氣者。清
水刷淨。火烘乾。待冷。取淨稈草曬乾。候冷。一層草。一層
棗。入缸中封固。可至來歲猶鮮。

又曬棗。先治地令淨。有草則令棗臭。駕箔椽上。以無齒
木扒聚而散之。日二十度乃佳。夜不必聚。得霜露氣速
成。如有雨則聚而苫之。五六日選其紅軟者。上高厨暴
之。降爛者去之。否則恐壞餘棗。其未乾者。曝曬如法。
又作乾棗。新菰蔣露於庭。以草鋪上。厚三寸。覆以新蔣。

凡三日。撒覆露之畢。日曝取乾。納房中。每一石。以酒一升。漱著器中。密泥之。可以經數年不壞。

酸棗附

羣芳譜酸棗一名棧。小而圓。如芡。無大樹。實生青。熟紅。皮薄。核大。仁堪入藥。生用令人不眠。雙仁者勿用。取紅軟者。箔上曬乾。納釜中。水僅掩棗。煮一沸。卽漉出入盆。研布絞取濃汁。塗器上。日曝使乾。取爲末。一碗投方寸匕。遠行用以和米炒。其味酸甘。解飢渴。最妙。

柿 樹



柿

柿。赤實果也。樹高大枝繁。葉大圓而光澤。四月開小花。

黃白色。結實青綠色。八九月乃熟。紅柿。皮深紅而多黃。

柿。生汴洛諸州。朱柿。出華山。似紅柿而圓小。皮薄可愛。味更甘珍。著蓋柿。蒂下別有一層。

牛心柿。狀如牛心。蒸餅柿。狀如市賣炊餅。八稜柿。大而稍扁。劍南尤奇品。塔柿。大於諸柿。去皮挂木上。風乾之佳。

種樹書。柿樹接桃枝。則爲金桃。柿子接及三次。則全無核。

羣芳譜。種類甚多。大者如櫟。其次如拳。小者如鹿心。鴨

子。雞子。生者澀不堪食。其核形扁。狀如木鱉子。而堅。根

甚固。謂之柿盤。世傳柿有七絕。一多壽。二多陰。三無鳥

巢四無蟲蠹。五霜葉可玩。六佳實可啖。七落葉肥大。可以臨書。多食引痰。日乾者多食動風。同蟹食。腹痛作瀉。食柿飲熱酒。令人易醉。或心痛欲絕。

柶柿 附

柶柿一名漆柿。一名綠柶。一名青柶。一名烏柶。一名花柶。一名赤棠柿。乃柿之小而卑者。生江淮宣歙荆襄閩廣諸州。雖熟亦深綠色。大如杏。味甘可生啖。搗碎浸汁。謂之柿漆。可染髻扇諸物。

軟柿 附

軟柿本草云。生海南。樹高丈餘。子中有汁如乳。汁甜美。其本類柿而葉長。但結實小而長。乾熟則紫黑色。一種。

欽定授時通考

卷六十四

小圓如指頭大者味尤美。其樹接柿甚佳。

水瓜



木瓜

木瓜。一名楸。爾雅云。楸木瓜。註云。木實如小瓜。酢而可食。本草云。木瓜之名。取此義也。一名

鐵腳梨。清異錄云。木瓜性益下。若脚膝筋骨有疾者必用焉。故方家號爲鐵腳梨。樹如柰。

叢生。枝葉花俱如鐵腳海棠。可種。可接。可以條壓。葉光而厚。春末開花。紅色。微帶白。作房。實如小瓜。或似梨稍長。皮光色黃。上微白。如著粉。津潤。不木者爲木瓜。香而甘。酸不澀。食之益人。醋浸一日。方可食。生不堪噉。處處有之。山陰蘭亭尤多。而宣城者爲佳。本州以充土貢。故有宣州花木瓜之稱。西洛木瓜。味和美。至熟。青白色。入藥。絕有功。勝宣州者。味淡性酸。溫無毒。去濕和胃。強筋骨。治脚氣。霍亂大吐。下轉筋不止。枝葉根皮。煮汁飲。並

止霍亂吐下轉筋。療腳氣。枝作杖。利筋脈。核治霍亂煩燥氣急。花治面黑粉滓。

羣芳譜種法。秋社前後。分其條移栽。次年便結子。勝春栽者。

檳櫨附

羣芳譜檳櫨。一名瘙櫨。一名木李。一名木梨。木葉花酷類木瓜。但比木瓜大而色黃。李時珍曰。乃木瓜之無重蒂者也。

榴石安



安石榴

安石榴

種出安石國故名。

一名若榴

廣雅云。若榴。在榴也。丹實垂垂。若贅瘤也。

一名

金罌

筆衡云。吳越王錢鏐。改榴為金罌。

有甜酸苦三種。單葉者旋開花。

旋結實。花耗即榴。不結者。耗尖小。千葉者不結實。甜者

甘溫澀。無毒可食。潤燥。制三尸蟲。理乳石毒。但性滯戀

膈。多食生痰。損肺。黑齒服食家忌之。酸者性溫澀。無毒。

兼收斂之氣。只堪入藥。陳久更良。榴實圓如毬。頂有尖

瓣。大者如杯。皮赤色。有黑斑點。皮中如蜂窠。有黃膜隔

之。子如人齒。白者似雪。淡紅者似水。紅寶石。紅者如珠

砂。淡紅潔白者味甘。紅者味酸。秋後經霜。則實自裂。有

富陽榴

實大者如碗。

海榴

樹僅二尺。栽盆中。結實亦大。直垂至盆。堪作美觀。

黃榴

結實

甚多。最易傳種。河陰榴。鎖碎錄云。河陰出榴。各三十。八。中間止有三十。子也。

酉陽雜俎。南詔石榴。皮薄如藤紙。味絕於洛中。

本草。水晶榴。

子白。瑩徹如水晶。味亦甘。苦石榴。抱朴子云。生積石山。或云。卽山石榴也。

山石榴。

形類榴而小。不作房。生青齊間。蜜漬以當菓。甚美。

廣羣芳譜。石榴不結子者。以石塊或枯骨。安樹父間。或

根下。則結子不落。

栗



栗

栗。木高三丈。極類櫟。四月開花。青黃色。長條似胡桃。花實有房。彙大者若拳。小者若桃李。苞生外殼。刺如蝟毛。其中著實。或單或雙。或三四。少者實大。多者實小。實有殼。紫黑色。殼內膜甚薄。色微紅黑。外毛內光。膜內肉。外黃內白。八九月熟。則苞自裂而實墜。宣州及北地所產。小者爲勝。陸璣詩疏曰。栗五方皆有。周秦吳揚特饒。惟漁陽及范陽生者。甜美味長。他方不及。本草圖經云。兗州宣州最勝。燕山栗小而味最甘。蜀本圖經云。板栗。錐栗。茅栗。似板栗而細如橡子。其樹雖小。葉亦不殊。但春生夏花。秋實冬枯爲異。綱目云。卽爾雅所謂栲栳栗也。一名栲。可炒食之。衍義云。湖北有一種旋栗。頂圓未尖。卽榛栗。象棒子形。夏

詩鄘風有之卷六十四

禮記內則栗曰撰之。

疏栗蟲好食。數數布陳。撰省視之。

夏小正八月栗零。

傳零也者。降也。降而後取之也。

齊民要術栗種而不栽。栽雖活。尋死。栗初熟。離苞。卽於屋內埋濕土中。埋須深。勿令凍路。遠者以革囊盛之。停三日以上。及見風日。則不可作種。至二月芽生。出而種之。芽向上。乃生根。旣生。數年不用掌近。三年內。每到十月。常須草裹。至二月漸解。不裹則易至凍死。仍用籬圍之。其實方而匾者。他日結子豐滿。樹高四五尺。取生子。

樹枝接之。


種樹書採栗時。要得披殘。明年其枝葉益茂。

石栗附

客燕雜記京師佳果栗三。霜前栗。盤古栗。鷹爪栗。種類頗多。總之味鹹氣溫無毒。主益氣厚腸胃補腎氣治腰脚無力破痘癰理血。當中一子名栗楔。治血更效。生則動氣熟則滯氣。唯曝乾或火煨汗出。食之良。百菓中最有益者。小兒不宜多食。難尅化。患風木病者忌。以味鹹也。

南方草木狀石栗樹與栗同。但生於山石罅間。花開三
年方結實。其殼厚而肉少。其味似胡桃仁。

榧



榧

榧一名被子一名赤果一名玉榧一名玉山果生永昌以信州玉山者爲佳本地人呼爲野杉木大者連抱高數仞其木有雄雌雄者花而雌者實其木形如栢木理似松細軟堪爲器用葉似杉冬月開黃圓花結實如棗核大如橄欖無稜而殼薄黃白色其仁肉白外有一層黑麤衣小而心實者尤佳一樹可下數十斛味甘平澀無毒治五痔去三蟲輕身明目煮素羹味更甜美同甘蔗食其滓自軟猪脂炒榧黑皮自脫性熱同鷺肉食令人上壅生斷節風同綠豆食殺人忌火氣

爾雅翼被實去皮殼可生食亦煖而收之可以經久

本草會編一種麤榧其木與榧相似但理麤色赤其子
稍肥大頂圓不尖

羣芳譜收藏以盛茶舊磁甕收之經久不壞欲種以二
月下子。

榛



榛

榛

古作亲。本草云。從辛。從木。俗作莘者誤。

生遼東山谷。樹高丈餘。子如小

栗。李時珍曰。榛樹低小。如荆叢生。冬末開花如櫟花。成

條下垂。長二三寸。二月生葉。如初生櫻桃。葉多皺文。而

有細齒及尖。其實作苞。三五相黏。一苞一實。實如櫟實。

上壯下銳。生青熟褐。殼厚而堅。仁白而圓。大如杏仁。亦

有皮尖。然多空者。諺曰。十榛九空。陸璣詩疏云。榛有兩

種。一種大小枝葉。皮樹皆如栗。而子小形如橡子。味亦


如栗。枝莖可以爲燭。詩所謂樹之榛栗者也。一種高丈

餘。枝葉如水蓼。子作胡桃味。遼代上黨甚多。久留亦易

油壞。種法與栗同。味甘平無毒。益氣力。實腸胃。調中不

饑健行甚驗。遼東榛。軍行食之當糧。榛之爲利亦大矣。
禮記曲禮婦人之贄。棋榛脯修棗栗。
註榛實似栗而小。關中鄜坊甚多。

松子



松子

松子。本草云。松實。狀如豬心。疊成鱗砌。秋老則子長鱗裂。惟遼海及雲南者。謂之海松子。馬志曰。海松子狀如小栗。三角。其中仁香美。當果食之。亦代麻腐食之。與中國松子不同。蘇頌曰。松歲久則實繁。中原雖有小。而不及塞上者。佳好也。吳瑞曰。松子有南松。北松。華陰松。形小殼薄。有香。新羅者肉甚香美。李時珍曰。海松子。其樹與中國松樹同。惟五葉一叢者。毳內結子。大如巴豆。而有三稜。一頭尖爾。馬志謂似小栗。殊失本體。

東坡雜記。十月以後。冬至以前。松實結熟而未落。折取并萼。收之竹器中。懸之風道。未熟則不生。過熟則隨風

飛去。至春初敲取其實。以大鐵鎚入荒茅地中數寸。置數粒其中。得春雨自生。自採實至種。皆以不犯手氣爲佳。松性至堅悍。然始生至脆弱。多畏日與牛羊。故須荒茅地。以茅陰障日。若白地當雜大麥數十粒種之。賴麥陰乃活。須護以棘。日使人行視。三五年乃成。五年之後乃可洗其下枝使高。七年之後乃可去其細密者。使大略如此。

桃 核



核桃

核桃。一名胡桃。一名羌桃。樹高丈許。春初生葉。長三寸。兩兩相對。三月開花如栗。花穗蒼黃色。結實如青桃。九月熟時。漚爛皮肉。取核內仁爲果。北方多種之。以殼薄仁肥者爲佳。廣志云。陳倉胡桃。薄皮多肌。陰平胡桃。大而皮脆。急促則碎。味甘氣熱。皮瀆仁潤。治痰氣喘嗽。醋心及厲風諸病。今往往以之下酒。則昔人所云。食多動風動痰。令人惡心。脫鬚眉。及同酒多食。咯血者。妄也。或素有痰火積熱者。不宜多食耳。大抵留皮則消滯。去皮則養血潤血。微和鹽食更佳。能通命門。利三焦。益氣養血。與破故紙爲補下焦腎命之要藥。

羣芳譜。種植。選平日實佳者。畱樹上勿摘。俟其自落。青皮自裂。又揀殼光紋淺體重者。作種。掘地二、三寸。入糞一碗。鋪片瓦。種一枚。覆土踏實。水澆之。冬月凍裂殼。來春自生。下用瓦者。使無入地直根。異日好移栽也。

便民圖。要以粗布袋盛。挂風面處。則不膩。收松子亦用此法。

杏 桃



銀杏

銀杏。一名白果。一名鴨脚子。

本草云。葉似鴨脚。故名。朱初入貢。改呼銀杏。因其形

似杏而核色白也。

處處皆有。以宣城爲盛。樹高二三丈。或至連

抱。可作棟梁。葉薄。縱理。儼如鴨掌。面綠背淡。二月開花。成簇。青白色。二更開。旋即卸落。人罕見之。一枝結子百十。狀如小杏。經霜乃熟。色黃而氣臭。爛去肉。取核爲果。其核兩頭尖。中圓大而扁。三稜爲雄。二稜爲雌。其仁嫩時綠色。久則黃。其樹耐久。肌理白膩。術家取刻符印。云能召使鬼神。氣味甘微苦。平。澀無毒。生食解酒。降痰。消毒。殺蟲。熟食溫肺。益氣定喘。嗽。搗汁浣衣。去油膩。食多壅氣。臚脹昏頓。三元延壽書言。白果食滿千顆。殺人。

有歲飢。以白果代飯。食飽。次日皆死。小兒食多昏霍。發驚引疳。同鰻鱧食。患軟風。

墨客揮犀。銀杏葉如鴨腳。獨窠者不實。偶生及叢生者乃實。

羣芳譜。種植。須雌雄同種。其樹相望。乃結實。或雌樹臨水。照影亦可。或於雌樹鑿一孔。納雄樹木一塊。以泥之。亦結子。

又移栽。春分前後。先掘深坑。水攪成稀泥。然後下栽。子掘時。連土繩縛牢。不令散碎。則易活。

又熟時。以竹篾籬樹本。擊篾。則銀杏自落。